

In Flerschem iss was los

Weil uff de Flerschemer Strooße schunn e paar Daach gons schee was los iss, habb isch moin Kummbeer Schorsch oogerufe unn gefroochd: No, Schorsch, fährtde noch im Audo dorsch Flerschem?

Heer merr uff, hodder ze Antwort gewwe, awwer was sollmerr mache? Dess Kättche muss oikaafe in de Kolonnade unn isch muss bei de Dokder unn doo muss isch ab unn zu meddem Audo fahrn. Enn Spass isses ewe grad nitt, awwer es muss halt soi.

Mol seh, wie long dess gieht, habb isch gesaad, wenn erst emol die Schulferie erum sinn werreds noch merr Truwel uff de Gass gewwe, moonsde nitt?

De Schorsch seet: Ess kimmt halt druff oo, wie long die brauche onn dere Kreuzung unne onn de Beiemoosder-Lauck-Strooß. Awwer doo sieht merr erst emol, wie wischdisch e oonsisch Kreuzung soi kann. Weil egal wo ooner herkimmt, er muss dorsch die Hauptstrooß fahrn. Unn dessdeweese duts sischs halt stauwe onn dere Ombel beim Gollebusch. Konnsde disch noch droo erinnern, dasses emol e Zeit gewwe hott, doo hädd merr die Ombel ausgeschalt unn de Verkehr dorsch enn Schupo mett weiße Hondsuh gereesched? Weil su wie enn Mensch uff de Verkehr reagiern kann, wener egal vunn was ferne Seit er mieh odder wenischer werdd, dess kann koo Ombel. Awwer isch glaab, doo werrn koo Bollizide mieh deferr ausgebild unn gons sischer isses su, dasses kooner mache derrf weesche dene Abgase. No ja, merr dut su vill iwver die künstlich Intelligenz lese, villeischd kann su ebbes enn Roboter mache.

Isch saach: Enn Roboter, dess wär gut. Nor, die Kreuzung dort iss nitt groß genuch, nitt ferr enn Bollizist unn aach nitt ferr enn Roboter. Naa, isch glaab mett dene Staus misse merr lewe bis die Arwett onn de Beiemoosder-Lauck-Strooß ferrdisch iss.

Doo frächt de Schorsch: Wie fährtde du, wenn du vunn drauße onn de Bohnhof odder uff de Markt fahrn willst?

Isch druff: Wenn isch onn de Bohnhof odder bei die Zeidung fahrn will, doo fahr isch dorsch die Rheinallee unn donn gradaus bis onn die Riedstrooß, die fahrn isch dorsch bis onn die Klowerstrooß unn donn bin isch schunn bald omm Bohnhof. Uff de Markt fahr isch dorsch die Unnerfiehrgung omm Höllweesch unn stell misch in de Stau bis onn die Ombel, donn dorsch die Grawestrooß bis vors Joffche unn fahr die Joffche-Gass enunner uff die Hauptstrooß. Wenn isch im Herrsch odder im Bootshaus enn Kaffee drinke will fahr isch weider bis onn die Owermooostrooß unn fahr se enunner bis uff die Parkplätz omm Moo. Nor nooch Risselsem odder Raunem muss merr halt die gons Grawestrooß enunner.

De Schorsch moont: Die Hauptstrooß iss joo monschmol gons schee zu, doo derrf nix bassiern, weil donn kumme die Rettungsautos nitt dorsch.

No ja, saach isch, wenn ooner kimmt mett Tatü-Tata, doo muss merr halt links uffs Troddewa fahrn, weil joo rechts geparkt werdd unn donn kimmt su e Audo aach dorsch.

Wadde merr ab, seet de Schorsch, awwer saach emol, hosde ebbes vumm Hubert geheard, hott der disch emol oogerufe?

Ja, saach isch, vumm Kronkehaus aus, de Hubert hott ebbes onn de Aache gemachd krieh. Awwer gut dassde gefroochd host, den ruf isch widder mol oo. Machs gut, Schorsch, unn enn scheene Gruß onns Kättche.

Doo seeder: Isch werr ausrichtde, aach enn scheene Gruß onn doi Fraa.

Eiern Honnes